

2274

1926

Bosna i Hercegovina  
 Federacija Bosne i Hercegovine  
**KANTON SARAJEVO**  
 Kantonalna uprava za inspekcijske  
 poslove



Босна и Херцеговина  
 Федерација Босне и Херцеговине  
**КАНТОН САРАЈЕВО**  
 Кантонална управа за инспекцијске  
 послове

Bosnia and Herzegovina  
 Federation of Bosnia and Herzegovina  
**CANTON SARAJEVO**  
**Cantonal Administration for Inspection Issues**

**Broj:** 14-02-05-03728/19  
**Sarajevo,** August 14. 2019. godine

19-08-2019

01	05	Redni broj	26804
----	----	------------	-------

Bosna i Hercegovina  
 Federacija Bosne i Hercegovine  
**SKUPŠTINA KANTONA SARAJEVO**  
**SARAJEVO**  
 n/r, predsjedavajućeg, Elmedina Konakovića

**Predmet:** *Odgovor na zastupničko pitanje broj: 01-05-26804-83/19 od 18.7.2019. godine postavljeno od strane zastupnice Jasmine Bišćević - Tokić - dostavlja se;*

Kantonalna uprava za inspekcijske poslove Kantona Sarajevo, dana 30.07.2019. godine zaprimila je zastupničko pitanje postavljeno od strane zastupnice Jasmine Bišćević-Tokić na Jedanaestoj radnoj sjednici Skupštine Kantona Sarajevo, održanoj dana 15.7.2019. godine u okviru tačke Dnevnog reda " Poslanička /zastupnička pitanja, inicijative i odgovori a u skladu sa Poslovnikom Skupštine Kantona Sarajevo koje glasi:

"S obzirom da imam pouzdane informacije o kršenju zakonskih odredbi od strane NEXE grupe i to za vrijeme dok je odgovorna osoba bio g. Forto Edin tražim od nadležnih federalnih i kantonalnih organa da dostave relevantne informacije i podatke u vezi sa upravnim i inspekcijskim nadzorom kod poslovanja NEXE grupe i to za period dok je odgovorna osoba bio g. Forto Edin."



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)  
 Tel: + 387 (0) 33 770-100 (centrala)  
 + 387 (0) 33 569-870 (direktor)  
 Fax: + 387 (0) 33 770-151, + 387 (0) 33 569-890  
 Sarajevo, Aleja Bosne Srebrene bb

U vezi s postavljenim pitanjem, dostavljamo slijedeći

#### ODGOVOR:

Uvidom u raspoloživu evidenciju i bazu podataka, te na osnovu informacije pribavljene nakon izvršenog uvida u Registar novčanih kazni i prekršajne evidencije utvrđeno je da Inspektorat saobraćajne i cestovne inspekcije, Inspektorat rada, zaštite na radu i socijalne zaštite, Inspektorat tržišno-turističke inspekcije, Inspektorat poljoprivredne, vodne i šumarske inspekcije i Inspektorat urbanističko-građevinske, ekološke, komunalne i stambene inspekcije Kantonalne uprave za inspeksijske poslove Kantona Sarajevo nisu vodili postupke inspeksijskog nadzora nad radom NEXE grupe za vrijeme dok je odgovorna osoba bio gospodin Forto Edin.

Nadalje, uvidom u raspoloživu evidenciju utvrđeno je da je kantonalna inspekcija zaštite okoliša, koja organizaciono djeluje pri Inspektoratu urbanističko-građevinske, ekološke, komunalne i stambene inspekcije Kantonalne uprave za inspeksijske poslove Kantona Sarajevo, zaprimila 3 zahtjeva za inspeksijski nadzor nad radom postrojenja NEXE grupe (2014., 2015. i 2019.godine), ali da je prije pokretanja postupka nadzora utvrđeno da nema nadležnosti za postupanje, zato što prema namjeni i kapacitetu predmetnih postrojenja okolinsku dozvolu izdaje Federalno ministarstvo okoliša i turizma, a inspeksijski nadzor vrši Federalna uprava za inspeksijske poslove. U skladu sa tako utvrđenim stanjem, shodno članu 65. Zakona o upravnom postupku ("Službene novine Federacije BiH" broj:2/98 i 48/99) prijave su odmah proslijeđene da dalji postupak i nadležnost Inspekciji zaštite okoliša Federalne uprave za inspeksijske poslove.

U okviru Inspektorata tehničke inspekcije Kantonalne uprave za inspeksijske poslove Kantona Sarajevo vršeni su inspeksijski nadzori od strane geološkog inspektora i rudarskog inspektora.

Od strane kantonalnog geološkog inspektora izvršena su tri inspeksijska nadzora i to 04.06.2014.godine, 04.12.2014.godine i 24.02.2015.godine, kojom prilikom nisu utvrđeni nedostaci i nepravilnosti iz oblasti geologije, odnosno privredno društvo NEXE d.o.o. Sarajevo je posjedovalo urednu dokumentaciju i poslovalo u skladu sa Zakonom o geološkim istraživanjima Kantona Sarajevo ("Službene novine Kantona Sarajevo" broj:41/12).

Kantonalni rudarski inspektor u periodu od 10.12.2012.godine do 21.10.2015.godine obavio je tri redovna inspeksijska nadzora u privrednom društvu NEXE d.o.o. Sarajevo, PK-kamenolom "Puhovik" u Rakovici, kojom prilikom nisu utvrđene nepravilnosti i nije bilo osnova za poduzimanje upravnih mjera.

U istom periodu obavljena su dva redovna i jedan kontrolni inspeksijski nadzor PK-kamenoloma "Duboki do" u Rakovici.

Redovnim inspeksijskim nadzorom od 06.05.2014.godine utvrđeno je da je subjekt nadzora NEXE d.o.o. Sarajevo u ranijem periodu (August 2012. do septembar 2013.godine) izašao iz granica odobrenog eksploatacionog polja ( u granicama odobrenog istražnog područja) i vršio eksploataciju mineralne sirovine kamena-dolomita.



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Postupajući rudarski inspektor je privrednom društvu NEXE d.o.o. Sarajevo, zabranio izvođenje rudarskih radova izvan granica odobrenog eksploatacionog polja dok ne pribavi pravo na eksploataciju mineralnih sirovina, od nadležnog Ministarstva privrede Kantona Sarajevo, shodno članu 8. Zakona o rudarstvu Kantona Sarajevo ("Službene novine Kantona Sarajevo" broj: 29/12).

Dana 04.06.2014.godine izvršen je kontrolni inspeksijski nadzor (kontrola izvršenja gore navedenog rješenja). Subjekt nadzora je poštovao upravnu mjeru i nije izvodio radove van granica eksploatacionog polja.

Redovnim nadzorom obavljenim 04.12.2014.godine je utvrđeno da subjekt nadzora rudarske radove izvodi u skladu sa Zakonom i propisima donesenim na osnovu istog zakona.


Naknadnim uputama Ministarstva privrede (Zahtjev za pokretanje prekršajnog postupka protiv privrednog društva NEXE d.o.o. Sarajevo, akt broj: 07-04-18-14594/15 od 20.5.2015.godine), a u vezi izvođenja rudarskih radova izvan granica odobrenog eksploatacionog polja u ranijem periodu kao i za period august 2012.godine do septembra 2013.godine, postupajući rudarski inspektor je zahtjevom za pokretanje prekršajnog postupka prema nadležnom sudu broj: 08616/15 07/11-002 od 13.7.2015.godine pokrenuo prekršajni postupak prema privrednom društvu NEXE d.o.o Sarajevo, zbog prekršaja iz člana 8.stav 1. i člana 9. stav 1. Zakona o rudarstvu Kantona Sarajevo ("Službene novine Kantona Sarajevo" broj:29/12), a što je kažnjivo po članu 94. stav 1. tačka a) i b) i stava 3. istog člana Zakona.

Prekršajni postupak je okončan rješenjem Kantonalnog suda u Sarajevu broj: 65 O Pr 518111 16 Pžp 2 od 17.11.2016.godine, poslije žalbe okrivljenog pravnog lica NEXE d.o.o. Sarajevo, tako što se rješenje Općinskog suda u Sarajevu broj: 65 O Pr 518111 15 Pr od 26.4.2016.godine, djelimično uvažava i navedeno rješenje preinačava i obustavlja prekršajni postupak.

S poštovanjem,

**Dostaviti:**

1. Predsjedavajućem Skupštine KS
2. Sekretaru Skupštine KS
3. Sekretaru Vlade KS
4. Arhiva



**DIREKTOR**

**Fahir Halilović**



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb